

rusalem, sive de Virginibus, quod ducante D. Pietro Ziani an. D. 1223, Ducatus an. 19, cum R:ms Pater Ugollinus Sacr. Rom. Eccl. Cardinalis, Episcopus Hostiensis, Legatus Ap: in partibus Lombardiæ, ut securius seditiones sedaret venit Venetias, & Sereniss. Duci persuasit, ut Monasterium S. Mariæ in Hierus. sive de Virginibus nominatum fabricaret. Quod Dux perficiens & dotans, Patronus cum successoribus suis statuitur.

¶ Ciò narra il Dandolo lib. 10, cap. 4, part. 40, e da lui il Corner IV, 1.

991) Item Hospitale S. Marci, & Domus Dei, loca constructa & edificata propria pecunia Ill: Ducum. Nec dictorum Hospitalium Priores debent aliquas expensas magnas facere absque scientia Sereniss. D. Ducis, & singulo anno debent ei ostendere rationes, & administrationem, & omnia computa: & hoc sub debito sacramenti, ac pœna privationis Prioratus.

992) Item Ecclesia S. Mariæ de Capite Brolii; Abbatia S. Felicis de Cumanis, sive Ecclesia SS. App. Philippi & Jacobi: Abbatia S. Egidii de Fontanella: Prioratus S. Jacobi de Ponteda Diœcesis Bergomensis. Hæc omnia Beneficia Summi Pontificis cupientes Templum S. Marci de Venetiis excellentissimum conservari, ne tam dignissimum opus corruat, unierunt & annexerunt & incorporaverunt ea lege, ut & in corpore & membris Ecclesiæ S. Marci Venetiar. Ducum Ill: Capellæ subsint.

993) Sunt & alia privilegia pro dignitate & magnificentia dictæ Capellæ S. Marci, quæ a Sacros. Rom. Eccl. Pontificibus concessa fuerunt, ut Primicerii assumti & electi per Excel: Principem
pon-